


巖 公 墓 圖



右圖地名寺金林穴稱蜈蚣其龍自劉岱山  
金星出脉胡興嶺過峽起一水星到頭木星  
舉頂層巒聳峙針峰出脈水泡結穴乾巽兼  
亥巳向實有廻龍顧祖之勢以三角山爲座  
騎以宮臺山爲旗鼓波瀾曲折應對疊々正  
所謂吉人自得吉穴右出一脈結我廣山祖  
塚纍纍不克悉載但巖公墓地窄狹先人置  
買胡姓餘地界至分明後有作者問圖經以  
自考焉可

立契出大賣文契字八黃位高今因時用少湊翁媳公孫謫議情愿將自置水田一坵坐落土名江家塘南邊大路下田一坵計老畝一斗一升憑中說合出賣與親鄰陳珠堂公名下子孫永遠管業當日三面言定得收時值價九八大錢二十五串五百六十六文正入手親領不重書其田自大賣之後聽從買主另佃耕種管業並無內外親疎人等生端異說恐口無憑立此大賣文契為証

其田載秋米五升五合在靈二里九甲陳火興戶推納  
其有江家塘水隨田泳濟其有老契牽連不便繳出

### 憑中人

柯靜軒  
黃斗峰  
泮賢  
陳生會  
芸閣  
德新

光緒二十三年

正月廿八日

親筆立

億山春山經手

珠堂公祭祀契億山春山經首

立契出大賣水田字人陳德新今因外貿不敷情愿將父置分關內水田一坵坐落土  
名舖免抗下第二坵計畝一斗二升憑中說合出賣與老祖珠堂公支下永遠管業當  
日三面言定得收時值價九八大錢二十五串文証入手親領領不重書其田自賣之  
後聽從買主另佃耕種管業內外人等不得異說恐口無憑立此大賣文契為証

其田載秋米六升在靈二里九甲陳久興戶推納

憑中人

家生會  
汪恒達  
吳少雲  
家澤卿

光緒二十七年

十月

日

親筆立



立契大賣水田字人陳道敏今因使用不給無處生借母子謫議情願將自置水田一  
坵計老畝六升坐落土名老屋下首堰上四至明白憑中說合出賣與族叔祖億山春  
山名下子孫永遠另佃管業當日三面言定得收時值價九八大錢二十三串文正比  
日親手領訖領不重書其田自大賣之後內外親疏人等不得異說恐口無憑立此大  
賣契為証

其田實載秋米三升在靈一里六甲陳玉豐戶內推納  
其有老紅契一紙當繳內音另佃二字

### 憑中人

德譜 有章 明達 廷枝 道修  
德餘 德潤

光緒三十一年十月廿四日

立筆人位山接筆人聲遠立

立捐文契字人億山春山兄弟等今將自置買水田一坵坐落土名靈一里六甲破堰  
老屋下首堰上水田一坵計畝六升兄弟叔姪謫議情願捐出與老祖 鐵公名下永  
遠以作祭祀之用叔姪人等不得異說恐口無憑立此捐契為証

其田載秋未照買契推納

其田載正稜二石佃種人位山有佃字一紙

# 憑譜局手領人

廷	有	明	位
杖	章	達	山
		德	德
		潤	餘
		聲	
		遠	

光緒三十一年十月廿四日

命筆道宏號寬亭立

## 樂捐俎豆名垂不朽

買寺經林契

立契出賣山禁步人胡明生茲生今有陳人  
始祖陳東堂葬于法華寺上手地名寺經林  
原係胡人山因禁步窄狹憑中說合將自己  
分下山賣於陳公亮托還伯原三莊人等禁  
蓄樹木當日三面言議出價銀肆兩三錢足  
入手領訖其山自賣之後並無家族人等異  
說今恐無憑立此賣契永遠為証領不重書  
所領是實

計開四至

上齊山塼爲界下齊田塼窖石爲界左齊寺  
塹爲界右齊水溝爲界

胡嗣云

憑中

汪嗣翼

省一和尚

余公碩

陳爾玉

大清康熙二十五年

二月初四日

立契人胡明生茲生山契爲證



寺經林讞語

查得陳榮屏公族有祖陳東堂自明落籍于法華泉為僧繼而凡心難掩去僧回俗連生三子及其老也買胡氏山地安葬延丁濟濟已歷數百年矣陳族後嗣謂禁地淺窄于康熙二十五年復憑僧省一並胡嗣云等尋明生寬買墳禁印契昭然今緒止不循規戒妄聽胡在畧主唆盜葬陳人墳禁檀越居民難逃公論豈起遷時轉聽刁使立起立埋慧耶

華月陳氏宗譜  
魔耶廷訊之下鄰供鑿鑿合應押令起遷以  
杜訟蔓伸念佛門緒止免究

康熙三十二年四月廿三日捕廳審語限五月  
起墳五月十一日詳堂十二日堂批詳緒止  
不守規戒妄聽刁唆盜葬陳墳殊屬不法捕  
衙立押起遷以斬葛藤繳

立契大賣山人胡公述公嗣孫善泰洪輝謀  
相等有祖遺山一墩坐落靈二里土名法華  
寺即寺經林與陳祖添巖公墳後活石山搥  
連屬因界不清二比具控在案蒙 縣主凌  
公堂斷仰排鄰戶族張恆青王錦春紀華玉  
賀茂山胡耀廷開元等踩明四界上抵山塢  
窖石爲界下抵陳姓山爲界左齊寺塹爲界  
右齊窖石爲界上下寬長丈尺另註契後憑  
中說合出賣於陳添巖公分下嗣孫陳利川



甲訓忠柏三分眾等永遠保其來脈俾蔭祖  
墳遵諭出價八六錢拾串文整領價之日另  
有領約其山自賣之後聽從買主禁蓄樹木  
添石礪砌賣主親疎人等不得生端異說恐  
口無憑立此大賣山契永遠為証

計開四界

自上一界至二界寬二丈五尺三界寬二丈  
七尺四界寬三丈四尺五界計寬三丈六尺  
六界計寬肆丈一尺七窖石計寬四丈五尺



右邊計長十一丈左抵寺塹

閔國相

紹唐

陳吉亭

耀廷

紀星垣

景青

張恆青

洪讓

憑人

王錦春

胡

維周

紀華玉

開元

賀茂山

洪治

吳著忠

洪栲

程燮門

松廷

天斗

善泰親書十九字

光緒叁年柒月初十日


接筆

道釗

立

堂諭契約在泥湖天連公手領

珠堂公墓圖



蓋聞吉穴為神所司吉人自有天相我太祖  
珠堂公偉々穆々足稱一世之雄愚生也晚  
未能親沐其道範而覩牛眠之吉穴稽其地  
曰廟兜嶺審其穴曰黃猴吐箭山清水秀足  
稱佳城爰是家乘續修繪之圖以垂亦禳云  
耳




花園諸祖墓圖



詢名考實因地著名茲以花園稱者古必有  
遺跡焉視其地居然縣城之西審其穴實在  
西山之東寒溪衛于左儒學擁於右其中祖  
塋壘壘難以枚舉界至班以不克盡述約畧  
其大概以昭茲來許耳


前峰公墓圖



右圖地名汪家墻六號金竈吐氣其脉出自  
西山行帶倉庫曲々折々頓剉無定獨起一  
頂而結我前峯公之墓前有東山爲之拱顧  
後有寒溪爲之倚靠旗鼓疊々護衛森々至  
今孫子緜緜其獲福不知爲何如也故誌之




榮 卿 公 墓 圖



右圖地名陳鐵灣其脉由西山頓挫而出芙蓉開嶂仄草過峽平崗舉頂而結榮卿公之墓塘局宛然應對拱顧雖難比牛眠亦我祖之故墟後之人亦永守焉

聖發公陽宅圖

白智山




卷之六

義門陳氏宗譜  
蓋聞擇地而處哲人之志易地而安志士之心我族祖聖發公自縣市遷居白智山置買基址足稱大觀視其流泉審其形勢可愛居而爰處焉今圖之家乘以示後之子孫長享勿替云耳



仲山公墓圖

鳳山




卷之六

三

三

山以鳳名誠美名也後有來龍前有屏案護  
擁天然砂水清朗名稱其實也我祖仲山公  
附葬於此宜其子孫衆多戶口殷富獲福無  
彊焉


聖 勳 公 墓 圖



善門  
祖塚所在備載諸譜何用圖爲然圖以註脈  
絡之分明昭界至之不混若余姍伯聖勳公  
墓扞西山包層疊々擁護纍纍壯哉斯穴其  
佑啟後人者寧有涯哉




司徒廟陰陽雨宅圖



自古哲人智士居處不一我祖仲山公之次  
子大材公自縣市遷居司徒廟置買姚家山  
下屋宇名曰金龜下海又名桐鼓滴露大鶯  
朝於前湖水繞於後以賀家山爲青龍涼亭  
瑤爲白虎命子及孫爰居而爰處焉復置泥  
湖屋宅田地圖繪於後所謂非常之功必待  
非常之人吾祖創於前後之人其永守勿替  
可也

# 泥湖陰陽兩宅圖




卷之六

義門陳氏宗言  
余嘗往來縣城出東門至泥湖見族太叔祖  
大材公陽宅遙觀馬山虎尾近看獅子繡球  
擁護諸峰不克枚舉土接漢水下臨燕磯實  
有騎龍坐虎之形幾同襟江帶湖之勢遂不  
禁慨然有感曰此地山水如此秀麗故材公  
之孫子其麗不億富而且貴焉今因家乘續  
修復見其地之圖爰爲其圖之說

秉國謹識



澤遠公墓圖



最愛虎山毓地靈


滌洄水秀滔々滾

遠公葬此是佳城

富貴絲絲子若孫

秉國題

鑑公陰陽兩宅圖




幾門更六宗... 卷之三

右圖自楊洲山發脉由曹家山過峽結我伯  
璉公墓名曰太公墳山其龍層々叠々至小  
壙又生繼禹公墳地名曰大水井禹公塋左  
側芭茅山以及下首細山兔祖塚累累々不及  
備註從小壙旁另抽一龍 團墩禾場嶺上  
中下三木節諸祖山以飛雁投河為屏案以  
鐵子諸峰為擁護有高崗亦有青泉我祖遂  
擇以愛居處後之人寔熾寔昌世傳世守毋  
忘舊業可也是為說

嗣孫天鴻謹識



鏡公軍山圖



右圖鏡公支下軍山也名曰山背宕山則一  
而名有數嶂有以鷄公石朱家頭稱者有以  
栗林頭小壙稱者有以中壙大窩黃鷹巖稱  
者有以紗帽頂栗子墩洞頭野豬巖稱者反  
西北又有大崖頭黃鶯巖山窩新橋兒稱者  
名雖不一而同一軍山也然內有四股置買  
者各有分段不得混雜至南背張家山一嶂  
原係超廷公自置亦不與列恐後無稽附諸  
圖以自考耳

祖山土名四至

月山祖山一墩四至俱屬肘腋

楓秧林祖山一墩四至俱屬肘腋

仙人嶺祖山一墩坐東北向西南墓後東北以塹爲界東南以廟兜林王世龍母墳溝爲界西南俱以田塍爲界

鏡公祖遺公山計開土名四至

陳家山窩一嶂西南以黃鷹崖大壩水向東北爲界內小地名新礮兒桐子等黃鶯巖紗

華門陳氏宗譜  
帽翅楓秧窩野猪巖俱屬鏡公之山、窩溝  
之東北石巖十股分析內有張家崖趙來墳  
兩股公存上至山頂水向西南流俱係鏡公  
之山

陳家山背宕栗子墩公山一嶂正南以朱家  
頭山頂為界東南以鷄公山頂為界正南以  
劉家井膊為界東北以洞頭下橫路為界正  
北以野豬崖山頂為界西北以黃鶯巖頂為  
界正西以紀家嶺頭山頂為界四至之內俱



鏡公之山其山實載麥糧五斗分入各戶完  
納張家坪山一段上以石巖中分下以田塆  
右以樹塹左以塘坑爲界內有古墳不得擅  
動  
時

大清乾隆壬辰年

秋月

上浣 穀旦

至德 聖德

鏡公裔孫 茂梓 聖錫 等仝刊

至遂 聖元

卷之五

鏡公陰陽兩宅圖



右圖自紗帽頂停頓出脈而結大巖右角流  
金而發越山窩左角流金而出蝦蟆塘芙蓉  
開嶂結我覆掌金由謝竹嶺之穿田峽而結  
月山左迴右紐特抽一支於墩頭居焉蟬聯  
而下復結蟹地港水繞千前岱山倚於後足  
稱佳城豈知其出不窮紐轉一脈獨注金家  
塘之上下二宅前望茗山隱躍而出現後瞻  
烏峯蒼翠而聳峙文巒疊出秀水滌洄可愛  
居處也後之子孫亦長享勿替焉可



祖遺門前堰一座原與王姓公共王人後將  
名下一半賣與紀鍾山于順治六年紀人西  
邊開樓以致吾祖具詞控縣有排年處釋當  
立議約一紙縣主吊驗硃批此係公存祖業  
依約刊譜永遠存照

立同眾公議約人紀萬一紀珩玉陳繼山陳  
公玉等今因先年紀鍾山置買五甲王廷恩  
田一莊堰一座與陳人連共至今無異陳人  
田高堰低紀人田低堰高于本年天旱陳人

車救紀人挖放二各爭論陳人具詞告縣有  
親鄰解東曙等近前挽回勸釋立寫公議約  
一紙在後陳人車救紀人不得阻當紀人安  
樓放水陳人亦不得阻滯如在後爭論聽從  
執約經公坐罪無辭今恐無憑立此公議約  
為證

憑排年

劉正楚

解東曙

江邱仲

賀俊吉

紀佐圓

黃仁所

紀耀奇

劉三陽

驗過

順治六年六月二十日立同眾公議約人紀  
萬一珩玉陳繼山公玉排年代筆劉佐生  
硃批其約公議永杜爭端至

乾隆三十九年復因紀姓背約吞佔以致吾  
族人等具控在 王太爺臺前蒙 恩訊釋  
判斷在案繳賜讞語執照又加批議約十字  
硃批驗訖照約公共毋得阻攔滋訟爰將讞  
批刊載於譜公同存照 謹依讞語列後

湖北武昌府武昌縣正堂加五級紀錄五次隨

帶加一級 王審看得陳步超等控紀正權  
等背約阻車堰水一案緣陳步超等有祖遺  
門前水堰一座原與王姓公共後王堰隨田  
出賣與紀正權之祖堰仍公共順治六年二  
比爭論陳步超之祖控縣經憑排鄰和處公  
立議約當堂請印管業歷有年所至上年七  
月陳姓車救晚禾紀人阻攔致陳步超等以  
背約霸毀等情具控紀正權等亦以埋假圖  
佔等情具訴均經 前縣准理尚未訊結茲



本縣蒞任查案飭差喚齊犯証到案庭訊之  
下不惟陳耀廷等堅供此堰原與王姓公共  
車放王姓將水堰一半隨田賣與紀姓藉買  
吞佔會於順治六年訐訟經憑排鄰和處公  
立議約現有印信足據及訊之紀正權等原  
賣業主王廷恩之孫王萬鎰亦供此堰原與  
陳步超等之祖公共後隨田賣與紀姓紀陳  
公共車放百有餘年陳步超現執有訐訟議  
約爲憑質之鄰佑王咸三等供亦脗合查閱

陳步超等所呈順治六年議約載有在後陳人車救紀人不得阻當紀人安樓放水陳人亦不許阻滯印信確鑿則此堰原係陳紀二姓公共毫無疑義紀正權雖執有八股之憑乃屬伊買王姓隨田一半此爲紀姓分管自憑斷難影射吞佔紀正權等藉稱伊姓八股內將一股出賣柯姓柯姓轉賣與陳步超同姓不宗之陳爾亨贖轉妄異滋訟吞佔本應責懲姑念比鄰從寬免其深究斷令紀正權

等將此堰仍照陳步超執約公共管業不得再行阻攔滋訟倘再背約阻攔定行倍處陳步超議約當堂驗明硃判着即領回收執當取兩造遵結立案

大清乾隆三十九年 六月 二十五日 給

經承王尚選 原差李貴

義門陳氏宗譜

卷之三  
宗譜

德日堂



伯元公墳山封約

立封山碑石嗣孫聖坤聖坦聖錫聖珩等今  
有曾祖陳公伯元妣王氏先年合葬于金家  
園扞作艮山坤兼寅申三分地岸窄狹萬難  
添葬合秉一心置酒宗堂請憑戶鄰一千書  
立封約以示後裔今因年月向利結砌唇口  
復立碑石永垂不朽庶先人得以安安子孫  
受其庇廕世代瞭然如犀照矣外左旁古塚  
一塋不得擅動禁樹拔枝不許

憑家戶

耀廷

崇聖

乾萬

琴才

聖德

明萬

平章

憑原家戶

長柏

京楚

任大

至則

憑排鄰紀天依

程淮獻

解品咸


時

乾隆

三十五年


# 鄭家灣陽宅圖

前後左右山場地土俱屬我姓  
 不與姓毗連又有下手嘴堰  
 下塘與王涂二姓各半我姓一  
 半其有塘水隨田應濟倘蓄魚  
 苗等項二股均分王涂二姓共  
 屬一股陳姓獨屬一股因我族  
 續家乘註明譜牒以免爭論



王家洞陰陽兩宅圖

以及門口塘係陳董徐  
 三姓公共其有塘水隨  
 田應濟倘蓄魚苗照股  
 均分





圖說

吾族陰陽二宅自鳳凰山作祖發脈逶迤屈  
曲自東北走十里許閃々疊々一路蟬聯腰  
落一脈自南而下帶結飛鷺地左係道周公  
後裔私山右係道遂公後裔私山旋繞過峽  
頓起一木星高峰峻拔作少祖自南而下起  
一小金星結大孺公後裔陽宅基址由少祖  
山復轉向北吐二枝中垂一小蕊結上樹梅  
係舉知公後裔私山左一枝結團魚窩係雙


池公後裔私山葬祖纍纍是為鄭家灣陳氏  
陽宅向面山右一枝向西北旋繞轉結雙池  
舉知二公後裔陰陽基址合而觀之起伏有  
勢脉絡分明山朝水繞倍極秀麗洵為金湖  
之勝地鐵冶之名區此吾先人之善相陰陽  
而得卜此地者也今因譜牒告竣爰繪全圖  
以誌不朽云

大塘角籬免口墓基圖





圖墓公文有石材棺




華陽縣志


卷之六



唐 家 頭 楚 相 公 墓 圖



神塘灣加年公墓圖



神塘灣加年公墓圖

卷之二

圖說

古之學者左圖而右書圖曷乎書也易曰書不盡言言不盡意又曰在天成象在地成形陳說之不能悉者披圖而覽焉則無不覩矣修譜繪墓兆之圖尤尊祖敬宗之至意令人一展卷而見其所關係者爲甚重也不必過墓而思哀不必履霜而悽愴且知山各有主墳各有界永無牽騎侵越之虞同祭時共祖一祖分祭處各親其親等殺之禮無紊一本之意藹如所益豈淺鮮哉 嗣孫國順敬識




# 合約

立合約人陳楚相公後裔等今因輯修宗譜有陰陽兩宅公私祖山詳註譜牒以免後人混爭計開公私祖山列后武邑西山棺材石唐家頭南關外樓兒口屋基菜園糞窖係近池雙池二公後裔公共之業一細墳山徐家塢鐵子窖細面山石竹窩係方美公後裔公共之山一飛鷺地東一障右抵達公之墳空內為界係達公嗣孫之山西一嶂係龍公子孫之山左抵龍公之墳空內為界一道灌嘴係遇公子孫之山窖石為界一神塘灣墳山一嶂係加年公後裔所共之山一屋後墳山東首係燦英公後裔之山傍西抵余氏墳為界西首墳山一嶂係仁公後裔之山一稻場嘴墳山一嶂係澤遠公後裔之山脚下虎公墳一塚窖石為界上樹梅墳山一嶂係俊公嗣孫之山塘魚窩墳山一嶂係崇祖公嗣孫之山又脚下崇禮公墳山一嶂西皮灣崇富公墳山一障稻場塢係國梁公墳山一障右抵地頭為界上至山頂下至山脚自後公私之山各管各業不得以墳佔山不得以山沒墳恐口無憑立此合約詳註宗譜永遠存照

閩族公立






宏 樑 灣 陰


義門陳氏宗譜

卷之十一


宏樑灣



陽 二 宅 圖



粉壁山陰





陽 二 宅 圖




Vertical text on the left margin, likely a page number or title, including characters like "卷之六" and "圖".

麥家嘴墓圖



蛇山墓圖



全滿繪圖閩族同刊

周才公買蛇山墳山約  
立大賣墳山約人蕭和臣同姪叔文等今將  
自己項下蛇山西邊墳山一段東至蕭姓墳  
爲界西以山脚爲界南至蕭姓墳爲界北至  
董姓墳爲界四界明白憑中說合出賣與陳  
周才葬墳當得銀二兩六錢親手領訖自賣  
之後山聽陳人安葬興樹蓄柴管業蕭門親  
疎人等永不得生端異說此據

憑中

嚴直方  
蘇斗章

雍正十二年十二月二十一日叔文筆立

百子千孫萬代富貴



武邑時可公嗣裔墳山基業誌

一宏標灣墳山一所東至屯田西至周人地南至屯田北至周人山並鄧戴二姓民田此山俱屬永之公嗣裔管業惟東邊一段有智公倪妣有信公方妣及諸祖多葬此山公議自方妣墓直至東六丈直至西二丈三尺直至南一丈六尺直至北四丈方圓嗣後永不添葬因詳明於譜永遠為據

一粉壁一段東至屯田西至屯地南至屯田北至屯地

一黃金壠墳山一段自國廷公墓東至周人民田九尺西至屯田一丈六尺北至屯田五丈南至屯田一丈二尺

一朱家壠墳山一段東至屯田西至屯地南至屯地北至屯地

一江家壠東邊墳山一段東至屯田西至余良幹屯田南至屯地治順捐地一塊以為拜堂北至屯地共山國孚公正和公與妣劉氏正用公與妣廖氏俱葬此山公議自正和公墓直至東二丈八尺直至西一丈六尺直至北四丈直至南四尺方圓嗣後永不添葬因詳明於譜永遠為據

一汪家壩西邊墳山一段東至小路西至傅人山南至余良幹屯田北至屯地

一鳳鳴寺左墳山一段東至何人墳山西至寺地南至楊人山北至寺地吾族先祖至今時代湮遠或傳其名字不傳其號佳城間失此山墓載非容先祖無此名字或其號也今不敢妄載某祖嗣後永當祭祀

一蛇山墳山一段東至蕭人墳西以山脚南至蕭人墳北至董人墳

一塔前壩一口載正二錢東至水溝西以本壩埂南至鄭人地東南至熊人地北至屯田此壩係扶九羽六二公私業茲二公後裔輪流照管

一宏樑灣門首塘二口西一口乾之永之二公後裔公共管業東一口專屬永之公後裔管業

一宏樑灣治順基屋一座東邊圍牆一座自屋牆脚並圍牆東邊牆脚至坡脚田邊西自本屋牆脚直至坡脚水壩方圍俱屬治順餘基毫不與戶眾相干嗣後聽其架造

一宏樑治興基屋一座前至坡脚水壩俱屬治興餘基毫不與戶眾相干嗣後聽其架造

一粉壁山基屋餘基俱屬有利公後嗣管業不與別房相干

繼山公傳

錫先人自鏡公至伯楠公凡三葉俱一綫相傳伯楠公生少溪小山二公少溪爲錫祖顧雖祖少溪公實出自小山公蓋錫祖繼山公小山公之長子承祧於少溪公者也聞繼山公端方直亮爲鄉里宗風自鏡公以來家勢至公益拓生平慷慨樂施與推有給無人有急周恤不吝其或不能償輒燒其券而處已浚泊自甘事少溪公服勤不倦篤愛三弟不

以繼嗣少溪產業當得其半仍與三弟均且  
美好聽其自擇昔薛包甚友愛其弟強求分  
析禁之不可恣弟意所欲取不與計凡什物  
包惟取其濫惡奴婢取其老憊我公之操行  
殆不謀而合也生二子長顯名公次金名公  
教督一以孝友爲諄諄自時厥後椒聊繁衍  
螿螿繩繩凡我後之漸昌漸熾何莫非公之  
推拓祖德有以邀天眷而長子孫也譜將成  
特述所聞即以公爲傳也云爾



時

大清乾隆壬辰年

孟秋月

上澣

穀旦

鏡公十一世孫聖錫全弟聖元等敬撰

金名公傳

人固樂有賢子孫而爲子孫者亦未有不樂其先人之美行軼軌可爲流傳即未有不樂道其先人之美行軼軌轉相誦述者其天性然也故先人之懿美而後人聽其湮淪不克表而章之非佳孫子也如有能表章之者則前人之美以著而後人即以不沒其先人之美而後人之美亦以著陳君明萬爲余道其五世祖金名公其承順我繼山公也左右就

養朝夕不懈事長兄恭敬惟出入必謹偕几  
杖之間雍雍如也居家以勤儉為先律已以  
正直為本接宗族以和平待鄉里以真率傳  
子孫以力農務本禮義詩書去今已遠善行  
亦不能盡知凡若此者吾祖若父暑風寒火  
之餘話言不倦而後生小子竊有聞焉今族  
譜將刊思欲表諸卷首以彰祖德且以傳示  
奕葉使無湮沒也愧不文敢以煩君余聞而  
嘉之以為先人之懿德美矣而後人能遞傳

華門陳氏宗譜  
之以誌不忘抑又美矣爰即其所稱述筆而  
書焉以授之

大清乾隆壬辰年

秋月

上澣

穀旦

爾庵柯瑞璽撰



茂楠公傳

公諱茂楠字巨任爲人平易寬厚信直真誠  
令德君子也祖玉公世傳忠厚父伯源公孝  
友承先事其叔如父撫姪如已子休揚閭里  
蓋亦天性純質有足動人者伯源公生公兄  
弟有三公居長仲季俱早世惟仲氏有嗣而  
孤惟時公以癯々一身旣傷無嗣之三弟又  
憐無父之弱姪子立持門戶艱阻蓋備嘗矣  
而公躬節儉櫛沐經營言必由禮利必思義

邃於醫存心濟世雖貧賤必盡其心力裕後  
以耕讀爲本尚樸誠戒驕奢厥後家益昌子  
孫昌盛開基創業卜築金家塘惟時公春秋  
已高而垂訓恭儉益謹門內和睦同爨家口  
數十無間言皆雍雍以孝弟相友愛有義門  
遺風卒年七十有五其後人錄其遺訓垂爲  
家箴有曰常見世之殷豪家往往恃多金而  
驕傲長上輕鄉里爾等雖無可驕人然即有  
可驕容遂驕乎慎勿學又見世之使詐使貪

奸妬成風包藏禍心不顧他人者爾等雖質  
居長厚亦當慮其近此也更有一等骨肉傷  
殘閹墻釁生甚則猜忌忤逆構訟門庭獨不  
思傳之數代雖支分而派別溯厥始生實同  
父而共母天性何存忍爲此耶爾等戒之猶  
有慮者家督不謹子孫怠廢禮義詩書之訓  
日遠遊手好閑之習漸開傳家要道胡不聞  
焉凡此者爾等戒之慎之惟是和兄弟篤宗  
族睦鄉鄰息爭競勸耕讀習勤儉訓後生小



子以有禮而戒以驕私詐傲之不可以逞則  
世業昌隆耳語雖樸皆傳家格言生子四長  
至煌字文燈性渾厚不涉機詐次至炳字文  
蔚搆謙退抑深沉有識度善心計佐公秉家  
政三至輝字文閣質實醅樸峭直爽塏督耕  
桑悠然自樂四至耀字文炳性英敏醫抽龍  
宮之秘尤喜儒雅文墨諸孫森森林立昌熾  
其可量耶語云積善之家必有餘慶愈以信  
公之累世厚德有以燕天且將食報于無窮



也

時

大清乾隆壬辰年其秋月重林上澣

同邑廩生朱演南撰

聖錫公傳

陳君聖錫字步純別號保元子至輝公之長子也幼英特祖父咸噐之比長疎脫不羈涉獵書史文藝輒通曉其大意儒業幾有成矣既乃厭薄棄去嘗誦范文正之語曰吾不爲良相必爲良醫以其可以救人也抽繙龍宮金匱諸書發其秘幾盡挾以出試之治疾有竒中因謂人苟存心濟物於物必有所濟吾盡吾心焉期於濟世而已是亦山林中事功

也何必宮泮蕊榜爲名高耶遂終其身以儒  
醫老兄弟雖析爨推遺業不以介意門戶獨  
當之不以累諸弟性骨介不受世人驕傲深  
鄙世俗依阿脂韋之習常落落難合其所交  
遊可其意雖貧賤皆相狎落不厭疾亦不深  
計其值不則雖富貴顯要謝不願往也故嘗  
不免世之物議云然古有專一藝以成名者  
陳子始儒術而卒傳岐伯得遂其濟世之願  
其與世之托業文藝卒之匏繫終身無濟時

用者相高奚若也

時

大清乾隆壬辰年

秋月

上澣

穀旦

同學爾菴柯瑞璽撰

*[Faint bleed-through text from the reverse side of the page, including characters like '學', '業', '不', '以', '於', '門', '內', '之', '功']*



文蔚公傳

文蔚太老先生其素履大抵本於天性者居多自少失慈恃撫季弟無倦擇師教育學業有成公棄儒就醫活人甚夥居平每虛以下人卑以自牧樸而不巧儉而不奢勞而不施善而不伐此則公之大概也叙述時必言之詳矣然則性情萬殊靜躁不同語言氣象胥準諸此持涉之餘其見端乎彼夫鼓舌搖唇侈放而誇傷易則誕傷煩則支燥妄是逞岡

有遜順出悖施逆叱咤忿詈大聲疾呼已肆  
物忤出悖能違聽斯言也則有設身處地憂  
讒畏議滿目蕭然感極而悲者矣欣於所遇  
意氣揚揚偶有所觸怒氣勃々矜已而驕嚇  
人而遽炙手而熟負勢而炎威風凜然距人  
千里覩斯象也則有激烈峻厲銳而難當心  
煩慮亂震驚不忘者矣余觀寬洪簡重之君  
子或異二者之爲何哉不以疾言加人不以  
盛氣凌人嘯歌一室之內豫悅者在家庭周

旋閭里之間輯睦者在鄉黨是出而臧入而  
臧果何道之從耶人生世間其有得于渾厚  
和平而不至於暴戾躁率者豈數々覩歟非  
公其孰與於斯

時

大清嘉慶己卯年

孟冬月

上浣穀旦

頂增邑庠晚生胡鑣部耘頡撰

平章陳三先生暨孺人柯氏合傳

夫古人不忍其親之死也死之日為之復葬之日為之挽及復之不得挽之不能而又不能忍其親之不傳也或為之誌與銘以傳之不得已必為之傳以傳之平章陳公篤志業儒屢應童試不遇振鐸數十年從遊諸弟子沐教澤者至今猶切山斗之瞻孺人柯氏宅身實圖盈室之計午夜不輟機杼之聲脫簪之風和丸之教是能佐夫子於內助者也生子



三醕襍謹厚讀書未遂去而就農一井一田  
耕鑿專司其業而世羣羨平公與孺人之有  
後而能不墜先緒者公與孺人之生也能著  
其德於家人婦子之間而足以世其家是其  
於死也宜復能著其德於鄉黨親友之地而  
足以法于鄉是其于死也宜挽至於氣宇樸  
茂而磊落見於笑言儀度整齊而端莊傳於  
面目是其於死也宜誌宜銘而並宜傳余也  
以襍線之才何能窺其萬一公子志其謂家

譜重修以父平公母柯孺人合傳請君雙親  
已以逝矣死矣死之日予不能爲之復葬矣  
葬之日未能爲之挽爲之誌爲之傳今日者  
不敢辭謝以約畧其生平庶代夫死之復葬  
之挽與誌與銘而傳以傳之公與孺人或聚  
或散之靈若似若真之概其在斯乎誠無知  
不我鑒矣倘有知其許我矣

大清嘉慶己卯年

孟冬月

上浣

穀旦

丙子科舉人族末本先謹撰

建周陳先生傳

建周陳公者恂謹篤實人也竊以天之生人不一而人之賦命不同生而富貴者有之生而貧賤者亦有之建公自少苦貧非強也于世何忤非弱也于人何求恆謂男子志在四方丈夫不甘小就矯矯出羣其欲光大前業而垂裕後人殆非一朝一夕之計矣于乾隆乙未年貿遷鄖地友朋未見通財親戚不聞持贈擔囊出境之日不避虎尾專逐蠅頭數



十年以來凡所欲為恰々稱意厥後蓄積雖厚曷嘗務盡錙銖豁壑已盈無非謀及孫子娶孺人雷氏生子二森々玉立誠哉偉男子所謂莫為之前雖美弗彰莫為之後雖盛弗傳父析薪而子負荷公之生平幾無遺憾矣然麥飯空存紙錢不掛公當春露秋霜之際不勝君蒿悽愴之悲嘉慶元年尋桑梓故土依祖宗舊墟而昔之望防合而無從者今已封崇有日也矣迨榮歸後方冀松柏同春日



月共老無何舍來鵬鳥公于癸亥年竟奄然  
而遊矣公死無復生之理而生以不忍死公  
之心公死有可傳之行而傳以不忍死公之  
筆此公所以不終沒沒也公之生卒年月日  
時已悉于譜茲不復錄云

大清嘉慶己卯年

孟冬月

上浣

穀旦

邑庠優生愚晚解功深頓首拜撰

聖元公傳

君諱聖元字超廷茂楠公之孫至炳公之次子也自岐嶷時即恂々謹飭不事華飾蓋天子姿純樸忠實人也其持己也恭謙退讓口無飾言身無飾行其接物也柔不茹剛不吐與物無乖油油然樂易相親不先己之智不傾人之危雖胸次恬如不設城府視之粥々若無能而遇事有擔當不退避故恢拓祖業家勢豐裕蓋亦其氣度才幹有以厚其福祉云

家世留心歧黃自祖若父皆以存心濟世相  
垂訓至君益自勉勵治家以勤儉立本爲務  
性敦厚凡戚屬往來誨問必周吉克婚喪慶  
賻不缺情誼高超殆所謂古道照人者也至  
于敦宗睦族推有濟無輓近世尤不多覩即  
今家乘之修首創義舉凡族中資費難齊者  
慷慨捐金鳩工刊刻使數十世以曠之典一  
朝舉行祖宗之源流不歿而子孫之昭穆不  
混其於尊祖敬宗之義更爲垂休奕禩固知

其後之昌隆未有艾也其季弟聖舉亦端直  
有噐局與君難爲兄弟云

時

大清乾隆壬辰年

秋月

上浣

穀旦

邑庠生南川周雲鸞撰



聖舉公傳

君諱聖舉字魁廷吾鄉之雅士也幼與二兄  
起廷精舉子業乖于時不得志于有司迺其  
先父之蔚翁恂謹厚重不尚文飾常誦伏波  
之言曰有財不吝讀溫公之訓積德宜深故  
輕財好施克紹返幣之節救災恤患適有解  
懸之風德舉鄉里歿之日聞者莫不灑淚人  
曰公之賢也嗣必舉大丈夫子五各舉一業  
方家隆盛時其父開創丕基君與二兄承顏

孝順不辭勞勩以勲落成既而獨任家政督率多方不以累兄與弟雖未得遂其觀光之志而笑傲煙霞簡素自適此易所謂不事王侯高尚其志者也今舉翁年五十有奇與兄相對夜坐手不釋卷魚魯亥豕之訛辨之必悉諸子百家之言究之皆精其接族黨也雖狎必敬其訓子姪也雖愚必詳交以義合利不苟取有時而緘默則循循似不能言有時而排紛則諤々亦無所避堅之不磷白之不

淄其謂義門之佳裔也誰曰不然予之與居  
最邇交最久知之悉謹將弁言以梓家乘云  
大清乾隆壬辰年 秋月 上浣 穀旦

族弟邑庠生邦昇撰

義門陳氏宗譜  
卷之三  
超魁二公合贊並序

二公之生平前傳已括後人無庸再贅矣  
要其肇開宏圖締造大廈所以纘

祖考而裕後昆者不得不以誌不朽云

瞻仰兩哲圖畫孔彰美侖美奐肯構肯堂  
兄先弟後一和一唱談笑則風生四座施  
濟則利溥一方大義高情古布衣之俠嚴  
氣正性吾鄉里之良春秋各有修短威儀  
老而益莊傳神阿堵者起人親炙之慕而  
盛德昌後者又烏測其食報之長

賜進士第刑部主事

年愚晚胡柏材敬撰



聖德公傳

嘗聞令名德之輿也夫德無名則德不彰名無德則名不實聲聞過情君子之所耻也若余族長陳公諱聖德者真有德人也即以德之體備者言之溫良儉讓渾乎一身孝友睦婣藹然一室其處已也無偏無黨其接物也不忤不求夫德之體備於是而德之流光何如也則見其鶴髮童顏發輝毫耄之日肯堂肯構貽厥孫子之謀二難濟美皆幹蠱之才

華門陳氏宗譜  
羣孫競秀盡克繩之姿種德之厚嗚可沒焉  
故于家乘續修之際借公之名以述公之志  
記公之事則公之德無不彰而公之名亦無  
不實也詎得曰聲聞過情爲君子所恥也耶  
時

大清嘉慶二十四年歲在己卯 孟冬月 穀旦

邑庠生族晚凌霄頤撰

德洋公傳

蓋聞傳者傳也以傳其真也無徵不信不信則傳不傳我叔祖陳公諱聖謨字德洋恬靜翁也磊落之慨殆有不仕高尚之志中和之體實有出類拔萃之材其于祖先也祭祀在所必誠其在族黨也誨問在所必周勤勤懇々上無愧于祖宗下無忝於族黨孝友如斯宜爾子孫繩々以燕翼子胡天不弔長叔喪於前二叔歿於後喪明之勤人皆爲翁惜之

義門陳氏宗譜  
愚不得爲翁惜也何也膝下雖無承歡之樂  
而階前猶有含飴之娛克繩祖武固天之報  
施不爽祖之默鑒有常實皆我叔祖與孺人  
之孝友有以感之也茲家乘續修公雖老矣  
而敬宗睦族之心依然不減於當日此心此  
志烏可沒焉是以不揣蠡管謹綴數言雖未  
能扼其要宗其全而亦可以信今而傳後矣

大清嘉慶二十四年歲在己卯 孟冬月 穀旦

愚姪孫南渠氏鍾漢敬撰



聖渭公傳

公宅心忠厚爲人簡而易觀其狀恂恂然然  
所行輒與道合少苦貧事其先大人德勁公  
及慈尊吳太孺人能得其歡心撫其弟淮兄  
友愛倍摯方弱冠以孝友稱里閭及長以二  
親寢膳事託其淑配蕭孺人遊於蜀十餘年  
間獲數千金自是家日饒棟宇田園規式廓  
焉而德勁公暨吳太孺人猶及見之嗚呼可  
謂能光大其家者矣公既沒而令嗣君天朗

能恢宏先緒且諸孫林立人咸稱為國器論者謂皆忠厚之報云

大清嘉慶己卯年 孟冬月 上浣 穀旦

宗弟邑庠生錫周謹撰

公字公惠東吳人南面為王其後世子孫皆為公孫

聖輝公傳

古稱不朽之名必得非常之人既有非常之人豈無不朽之名乎若族叔陳公諱聖輝字文光重大公之子也昔先大人艱嗣生公一身幼習舉子業不得志于有司遂去儒務農躬耕黍稷不憚晨昏定省之勞遊藝中原時存遊必有方之訓未幾而此咄興悲終鮮兄弟隻形影單得不撫膺悼嘆也乎而淑配柯孺人賢于內助夙夜匪懈以相夫子公有所

不足者孺人補之公有所未及者孺人助之  
夫唱婦隨上盡左右無方之儀下念禋祀不  
斬之計何天道無常徒致美於莊姜也然納  
寵種玉古道其賢爭寵失辱人形其短而孺  
人不爾也若姊若妹毫無嫌隙人皆知其必  
有後也固特鍾一桂賦性穎異舉趾端嚴可  
謂德星之肖子也今家乘續修余不揣謏劣  
爰爲之傳非言大而誇失於諛誕抑知公爲  
非常之人而故稱此不朽之名也矣



時

大清嘉慶己卯年

孟冬月

上浣

穀旦

邑庠生族姪用瑞拜撰

清揚陳公傳

今夫名顯當時聲施後世必其立心制行有大過人之處不然其不沒々者有幾也清揚陳公其先君乾萬公之第五子也母周孺人生君昆玉六長兄身故三四兄歿於西秦二兄亦遷其地六弟獨食家居伯仲星散一在天之涯一在地之角友愛之情隱痛之念時形於顏面意言之間者蓋亦有之君父八旬餘歿於嘉慶丁卯年母孺人九十猶在堂送

死之儀既篤事生之道益恭捧盤授杖依然  
不減先嚴在塵日也然孝友施于家而繼續  
不傳於後死者不忍生者能安乎娶孺人張  
氏碩人堪賦徒致美於莊姜盛德難忘終主  
嗣於邁廬前人立嫡立長立賢古有其禮今  
昉其制猶子歟比免也仁人有後不信然耶  
一日者其家乘將告歲公姪天江以傳告予  
曰向之欲竊其似而不得其真欲因其名以  
考其實而無從者今則何似之非真何名之

非實而矯然不羣之概卓然獨立之風貧不能困境不能移悠悠人世之中落落塵寰之表其安之若素有如是夫  
時

大清嘉慶己卯年

孟冬月

上浣

穀旦

己卯科舉人愚弟閻遇春拜撰



聖貴公字顯一陳先生傳

蓋聞事無大小重本爲先功無作述觀成爲

最武昌陳氏諱聖貴公家譜成焉瑛嘗讀經

史之書知其有非常者矣及按公之譜而觀

之自先世以來文人輩出非慶澤流長曷克

臻此迨後公祖父大才公持世雄心偉質

志量過人瑛得父老之言公髫齡失怙艱險

不易其心屈就成均創造起於胼胝嘗慮家

乘不詳有志未逮今公卓立尤能甄拔前

華門陳氏宗譜  
徽買遷化積廣置樂施單厥心於譜牒合宗  
族以告成將見一堂俎豆歷代永馨百世衣  
冠方興未艾豈不繩繩振振光前裕後也哉  
時

大清嘉慶己卯年

孟冬月

上浣

穀旦

丙子科舉人愚內姪魏瑛頓譔

登第序

蓋聞物本乎天人原於祖木本水源之思實  
有不能暫置者矣粵稽我陳氏始自媯汭受  
姓胡公其後托跡江州築室朱巷七百口共  
食總麻相親十八世同居異類生感義門之  
旌表於南朝炎宋者固已嘖々今古也迨至  
添巖公生我祖陳鏡公伯祖鐵與鑑三公焉  
因遷湖北由瑞興至武昌相協厥居或於縣  
而便賈或於鄉而樂耕我祖獨擇靈溪一

里之區相其陰陽觀其流泉爰居而爰處焉  
即今之所稱墩頭者此鏡公鯁之馬貽厥孫  
謀以燕翼子者也竊思自始遷至此屈指十  
有一世矣從前人文蔚起或名魁虎榜食祿  
朝宁者代有其人今雖稍凌夷衰微然祖宗  
之流芳未遠子孫之食德猶隆後之視今猶  
今之視昔按圖考而溯厥源流尊祖敬宗  
敬宗故收族此家譜重修所由來歟予先父  
以貧乏遷於陝之白河時王父子乾隆丙寅



年卒惟王母在堂予父春遊冬歸雖人居兩地而飲食未缺於供夢寐間固無一夕之不相接也至乾隆辛丑年辭世服滿後在陝而不得歸者三十八年嗣後卒于陝年月日時詳入世系不必重錄余以四十一年來陝幼而學業未成及壯又被兵燹蹂躪欲歸而不可得後叨祖宗庇蔭得博衣衿思東歸省邱墓復以年歲克荒而止嗟々生於秦長於秦今竟老於秦矣予尚何言哉今諸公雁箋頻

來命開世系此誠收族之意而敬宗尊祖之心固已昭然若揭矣今日者緬父母桑梓之地遙慕典型望祖宗依戀之邦空懷俎豆掃夜臺而生哀何能舊識對邱山以流涕亦有情癡烏鴉私情難酬夙願從此尚冀桐復生枝瓜還綿瓞云耳

大清嘉慶己卯年孟冬月上浣穀旦

邑庠生嗣孫登第謹撰

明彩陳四君傳

嘗謂誠能動物孝可格天造物之鍾靈此固  
不數數覲也然竊其似者蓋亦有之明彩陳  
君毓秀公之四子也先公因貧乏貿遷秦地  
慘淡經營中而天相吉人不令終困得娶胡  
孺人生君伯仲五其一早喪餘三弟兄仍居  
異域乾帝丁酉年先大人已謝塵矣九稱寥  
々焉能擬于爵弁之飾一棺草草敢奢望於  
狸首之斑隨於是日午時暫處秦地此處便

是死離別情肯玉瘞他山那時獨上望鄉臺  
恨不生還故國君謂親一而已父死之謂何  
而長比爲利計耶先是於嘉慶己未年迎母  
榮歸復於己巳年思伴祖塋纔檢父骨斯時  
也地角茫茫鄉關遠隔天路漠漠號籲無從  
相助既無親友之舊同心終鮮手足之扶父  
兮母兮今可告無罪於生前沒後矣而余以  
爲非明君之力不及此君娶葉氏生子二嶺  
然頭角將來定許跨竈邇者八旬餘太夫人



在堂捧檄堂前時存力衰之懼戲綵膝下每  
切娛親之誠予之表君者此日而思君者蓋  
在生平以君居今之世而行古之道者也世  
之蕩檢越閑心回事險覆雨翻雲言清行獨  
者而君獨岸然自異然諾不苟大節旣敦細  
行亦謹所謂物動以誠天格以孝揣摩彷彿  
之中不勝躊躇滿志之慕若君者不信然哉  
不信然哉

邑庠生紀章池拜譔

大清嘉慶己卯年

孟冬月

上浣

穀旦

會北公傳

會公陳先生 超廷公之令冢君也性孝友

忠厚處世綽有古人風以視世之爭名不朽

者不侔矣公家世業岐黃自祖若父活人甚

夥公父當時人羣以和緩見推望重鄉邦遠

近延請無論寒暑兩風必往半半襟懷總以

濟世爲念公父不忘先業家政未暇修治公

亦曲體獨理撐持朝夕不憚艱辛其繼志述

事生平大概有足多者公金玉五人仲弟早

逝叔季同居共爨大小無間言弟念天顯兄  
亦念鞠子哀旣翕和樂之餘不殊詩人雅致  
至敦本睦族積公費以防漕運培根本以安  
先靈固己嘖々人口他如親戚鄰里遇有急  
難排解絕無偏私以故吾鄉中莫不屈復  
公子三少督耕專務農業不事綠飾長次負  
笈從師屢應小試因困童軍卒抱恨棄儒就  
術其濟人利物是亦纘戎祖考佑啟後人之  
意也夫 公於嘉慶辛酉歲謝世矣天之報

施善人而竟不永其年耶追懿行於生前人  
間留譽摹芳規於筆下紙上寫真乃或者謂  
太上立德其次功與言公其兼備歟不然竊  
以不傳惜余曰唯唯此真不傳者矣不知不  
傳之傳會公於是乎永傳

時

嘉慶己卯年

孟冬月

上浣

穀旦

後學邑庠生胡騰蛟拜撰



陳竟軒先生傳

考孝經序註以傳爲註解別名劉勰以傳爲轉謂轉受經旨以授後世則夫人雖心跡可表不得以傳名然釋名以傳爲傳謂使傳於後又紀載事蹟亦曰傳故諸史中間分爲列傳竊訂爲家傳或目爲小傳則其人苟胸懷卓犖非有傳其曷以誌有陳君諱天俊字愈千號竟軒行三超廷公之叔子余嘗覲晤之每心景慕之而未得所掄揚也今其家乘續

修其姪君屢試不售後仿必為良醫之語托  
業者號南渠為道其叔父崖畧丐為傳余不  
揣蠢管忻許之君性子諒情易直視姪輩如  
己子業儒未就賴先人緒業專治醫風以活  
人為心求有濟不必取直有乃祖風夫心既  
如是則凡周官六語為教中和祇庸孝友可  
為君信之黨正族師所書睦婣有學敬敏任  
恤者可為君書之而子之克家孫之繩武後  
之繇繇未艾者可為君卜之君產於靈溪而

靈溪之德修行立者咸莫能過之殆亦靈溪  
矯矯獨出而可傳者則今之藏爲家傳小傳  
異日必將有採爲史者矣故因明傳之義而  
其人亦得與俱傳

時

大清嘉慶己卯年

孟冬月

上浣

穀旦

宗弟邑庠生平川拜撰

宗叔邦翁先生傳

叔諱天柱字邦石其別號擊也叔之伯祖大人魁廷公子生也晚雖不獲見其懿範然而業精岐黃存心濟人於持躬處事之際皆有以超拔流俗是伯祖洵有善以創於前而叔實繼述以承於後矣祖生子五人而叔其長也幼而端亮聰穎嶄然即露頭角出就外傳人咸稱之性尤孝友念先君植杏於沼山之麓不能時承色笑遂謝童旬隨之晨昏學習



素問難經辨天道之盈虛人質之強弱受病  
之虛實藥性之溫寒不以局方爲定一時全  
活者甚駭固家學之指授使然亦神明之變  
化莫測耳爲人謹慎樸實不苟言笑居心以  
忠御下以寬雅有古君子風至於親沒極葬  
祭之誠族繁盡敦倫之道所交必正士所接  
必名流與世無競與人無忤無德色無怠容  
種種懿行未易更僕數 孀母紀老孺人素  
嫻母儀禮法脩至內助之賢不減梁孟有丈

夫子二長曰煇次曰瑩彬彬然如陸家之雙  
璧而諸孫繩繩鵲起者復爾昌爾熾焉是天  
之報施善人不爽是叔之德所以裕於後者  
彌光而祖之德所以創於前者益大且遠矣  
茲於嘉慶屠維單闕歲元月纂修家乘問傳  
于余余與煥兄同學家父有年與叔往來最  
密得熟其生平不敢以不敏辭謹爲之傳其  
大概云

宗姪邑庠生虞

溪頡首拜撰

嘉慶己卯年

秋月

上浣

穀旦

卓齋先生傳

蓋聞太上立德其次立功其次立言人欲名揚當時聲施後代苟非生平卓卓實有可紀非失之諛即失之誕烏乎可卓齋先生諱天傑拔士字也生而穎異常習舉子業及壯以數竒棄儒就醫家學淵源延者輒效昔范文正公云吾不能爲良相必爲良醫先生有焉夫人苟執守一方又素無傳授活人猶後計利斯先有叩門者必察其貧富以視先生之

居心為何如耶先生以輕財而財自生先君子以肯構者先生亦肯堂焉吾不爲先生多獨異伯吹壘而仲吹篪一家之中藹然孝弟其後人或以耕或以讀或以仍續前業貽謀之遠洵未可量豈徒曰五世其昌耶令先生家續修譜牒予綴以數言雖未能宗其全扼其要然其種德于後者可畧述焉誰謂予失之諛失之誕  
庠生友弟滙川楊學海頡撰  
嘉慶二十四年歲在己卯孟冬月上浣穀旦



天德先生傳

嘗讀諸史列傳體制各殊自非有作史作傳之才者未可妄弄蒙管也顧史紀歷代之事跡傳傳其人之生平則家國殊體繁減異詞似作傳較易于作史第傳者傳也必其人有所傳之乃可堅人信耳若吾家先生諱天德字宏大聖宗公之伯子也善言善行藉載道固知其人大有可傳也少之時沾休塗足就養無方之儀弗缺壯之日牽車服賈遊

藝有方之禮克行以兄弟論三株挺植而君  
爲冠恐爲之偶者難乎其爲弟也而君之仲  
叔亦超越不羣伯壘仲篪共作姜家之被兄  
友弟愛同追薛氏之踪藹然一堂有怡々之  
象焉然此由未窮其巔末更于續修家乘之  
際益見其行制之磊落撥冗玉成爲恐昭穆  
之有混跋涉幾經猶懼等殺之莫辨勤勤懇  
々必上無忝於祖先下無愧於宗族也夫雍  
穆之雅豈忍等諸草木之同朽耶余本族誼

知之悉於家譜告歲之日畧綴數語以施後  
代故曰必其人有可傳者乃可堅人信耳

時

嘉慶己卯年冬月上浣

穀旦

現任圻水訓導族弟 璠拜撰

新甫先生傳

新甫陳先生者其令嚴魁廷公余之堂姑丈也先生與余為戚表自總角時即相得越癸亥歲延余至其家諸子弟皆從學焉先生畫東主禮忠敬不減魯武城其性恬靜情曠逸磊落瀟洒中無所雕琢處已接物之真恐難為一二流俗道也歷四年而始終如一綢繆益深故先生之行狀惟余得其大凡先生幼穎異嬉戲亦有竒思長就學專精舉業奈屢



躋場屋令人爲缺憾焉然先生不自歎也每  
謂人生學問惟於綱常名教見實功但能大  
節無虧即可以不愧故其在雙親也一誠相  
通三禮畢至仁人孝子之心其見於生前沒  
後者大概可知矣先生金昆五人怡々然相  
友愛旣而以家政浩大不欲獨累兩兄遂毅然  
自任持籌握算之中所謂治家有譜者非  
歟及分爨後伯兄季弟之事一切維持井然  
就緒幹濟之才發乎性至其待子姪輩嚴慈

並至而訓誨有方足爲有家者取法焉他如  
敦族睦鄰恂謹篤實未嘗以賢知先人每值  
排難解紛之際折奸邪而消強悍無不帖然  
心服迨事平爭釋不惟無苟取亦無德色殆  
與魯仲連之遨遊東海恥言存邑之功者先  
後一轍乎余不敏曷能管窺特紀其所見以  
備輔軒之採若美盛德之形容尚俟薦紳先  
生與夫大雅君子焉

愚表邑庠生英亭

毛杰敬撰

嘉慶己卯年

秋月

上浣

穀旦

庾嶺陳公先生傳

先生諱天梅字一枝號庾嶺魁廷公之少子也丈夫最憐少子是說大抵良不誣耳至怙寵恃下踈於禮節並未前聞先生厠諭必親甘毳必具及乎終天依然孺慕伯仲有五而先生其季也與諸兄相友愛推梨讓棗溫々而協乎壘篴自少卓犖不羈穎異殊常就外傳秀逸超雋瞻其器宇具遠大半裁識者多竒之長而練達幹畧宏邁經所指畫越人意



表棄舉子業貿藥石善岐黃日暖杏林泉浮  
橘井與伯兄俱以國手爲當世名公所器忼  
爽好義施與不吝贈縞紵悉正人傑士相徃  
來交接必識然諾不苟胸次汪洋于此猶逢  
叔度襟懷濶達至今想見延平不欲徒事虛  
浮內以欺已外以欺人也素行敦篤克昌厥  
後丈夫子三英姿挺拔階右齊芳樹惟珠而  
更艷河東比蹟名以鳳而非虛恢先緒播家  
聲鬱々慈々增榮亦襮又盍有量乎今輯修



家乘令姪煥如等屬余爲先生傳以余知先生最深而言之能悉故不辭固陋謹約畧其大概以爲表彰之一助云

眷嫻晚邑庠生鄧汝爲謹撰

時

嘉慶己卯年

孟冬月

上浣

穀旦

陳母王老孺人傳

自古名媛稟天之靈鍾地之秀可以維綱常  
淑風化朝廷爲之建坊以旌表之垂之青簡  
以顯揚之令人擊節嘆賞者誠莫若此也我  
族祖母王老孺人聖勲公之淑配也昔公賦  
性誠樸制行端方不幸年甫三旬倏爾見背  
妣于斯時恨不殉于九原而回視之下膝下  
孤兒誰為鞠育遂吞聲飲泣刻意苦勤奠飲  
奠食以媳執而供子執訓耕訓讀以母道而

兼父道巾幗丈夫即比諸衛之共姜不過是  
方諸魯之敬姜莫母同妣今逝矣而五桂之  
克肖羣孫之競美非節孝之流光曷克臻此  
昔妣以不朽之身創此不朽之事以垂諸亦  
襮今愚因其不朽之名而作此不朽之傳以  
表之家乘彫虫俚言雖未等諸坊之建簡之  
垂而亦可以維綱常淑風化也已

愚姪孫南渠氏鍾漢謹撰

嘉慶二十四年己卯 孟冬月

穀旦

敬錄大材公自叙世苦以便感覽

嘆人生真個難人難莫如我更難祖父根基  
不述生我兄弟有三不幸父親早世母志不  
奪委難生死以禮養葬稍可平心無慙兄亦  
隨後命歿丟我行二行三我生康熙癸巳零  
丁孤苦難堪不但寒無遮體亦且腹無飽餐  
勞心費力日夜不安手胼足胝奔波無閑用  
盡氣力成家計設盡機關與周旋那時節悠  
悠忽忽漫漫過只學得蝦蟆喂蠶到了三四



十年間頗托 皇天顧盼命運轉灣將將就

、隨分有有無無奈煩不期三弟得瘋疾真

正把我措陷我也曾延醫調治我也曾求神

禮籤費了許多銀錢一連將就幾年此時人

家初起當真千難萬難後來衣棺殯葬約費

銀錢百貫妻吳氏配良緣相夫勤儉不必言

仍憑百般千件事瑣、紛紜毫無怨生兩男

育二女教養有方撫雙媳訓多孫佈置周詳

親戚俱似蘇程廬李朋友均屬管鮑齊嬰交

接以禮奉待不輕年至五六旬間家計漸々  
長寬買田置地並造屋耕鑿貿易兼讀書身  
捐國學每慚文墨之英後人業儒應幹高曾  
之盡買泥湖遺置子孫之民業思過半矣頂  
軍屯若造子孫之干城心莫大焉而况災禍  
連結訟經院司道府案積疊瀆層紛用過金  
銀無數纔保得湖業太平那時節九轉百折  
千苦萬辛般々自守件々勞神真個是愁多  
端慮淵深試問誰人能代我我只得自怨自

恨孤單命這種苦慘愁腸對誰評在外一看  
孤拳獨守惟有我向內一瞧調停扶持吳氏  
身何嘗全無外幫襯那些人都是假套虛文  
究竟誰人傷心那個認真白手成家多虧我  
夫婦二人雙子多孫全賴皇天眷宥到今  
日壽餘七旬夫婦齊眉同春子孝媳賢孫多  
俊諸親六眷齊譽稱誰曉得我前一後二般  
苦果正若非鐵僕子怎麼挨得到於今平  
生性如烈火梗直爲人從不肯諂富貴欺賤



貧也曉得守王法也曉得重師尊謙下而睦  
宗族恕己以和鄉鄰逢強不繞半着遇弱須  
讓三分也會矜孤憐寡也會濟危扶困立心  
不肯橫言曲語處世須要正大光明一生只  
有人負我我再一生不負人順理則費百金  
而不惜違心縱獲萬財而不行凡事必存方  
寸留與後代兒孫教嗣裔勤耕苦讀訓媳婦  
績紡儉勤真個是耕可營身讀可貴勤能創  
業儉能成誰人保得千年計須要臨深履薄



冰學好千日不足學及敗德喪名莫說眼前  
有衣飯請看無飯少衣人起家猶如針挑土  
敗家好似水浪萍今日東來明日西明々天  
理不差移善有善報還是善惡有惡報惡莫  
爲休道眼前無報應暗室自有鬼神知這是  
我出生所經一段苦傳與後人細思維莫笑  
小老無大用但愿爾後勝前人

乾隆乙巳仲秋月圓日

勤農齋七十三歲老人自識

岳父陳公顯一大人暨魏孺人合傳

蓋聞傳者傳也傳其實也有其實而必有其傳揆諸表揚善行之君子終不能安余於岳父陳公固有深悉其生平實事常存於心而不能忘者也公有兄弟者六公居次其事庭幃也先意承志定省不懈於晨昏其聯花萼也同氣分形壘篋迭奏於伯仲本質樸以治家因義方以教子待戚友以誠信無所啟其怨爭處鄉里以和平無所招其憤恨他如取

予不苟然諾不輕捐資以修家乘解囊以濟  
人患其循行守墨既足重於當時無不可傳  
於後世也常於課耕之餘爲貨殖之計估虛  
窺盈無不屢中數十年來產業日廣堂構益  
新身膺國之選要非公之運籌決勝積德累  
仁曷克臻此德配岳母魏孺人產自名門素  
嫻姆訓早歲于歸頻年作婦奉尊章而敬養  
兼盡和妯娌而嫉惡不生裳衣不尚羅紈甘  
居樸素紡績不辭寒暑恪守女箴舉丈夫子



三劬勞未艾撫厥孫曾數輩慈惠無彊分簞  
食以賜王孫施無望報脫簪珥以濟閭里貸  
不言恩至若操井白主中饋延賓客待戚族  
無不為人嘖々稱道弗衰焉迄今岳父岳母  
往矣而後裔子孫或納粟於成均或遊身於  
泮水或托業於隴畝或營情於工賈無不人  
丁蕃衍戶口殷富謂非二人之善行有以獲  
報哉故當譜牒續成之際余因據實以爲之  
傳

愚子壻熊名理頓首拜撰

同治癸酉年

十二月

吉日



天榜公德配程汪老孺人合傳

從來德慧每由磨煉而成自古年高不盡奇  
英之會恭維陳公諱天榜字名魁號第榮表  
叔大人考其世系發跡廬山溯厥淵源肇封  
媯汭生由六甲緣修金玉成三品異雙丁屬  
離毛裏居次方年值童蒙既擇師而庭訓及  
時當大壯藉貿易以經營且也水耨火耕計  
安務力於隴畝冬溫夏清虔供色養於庭闈  
如是主持家政恪守祖風秉方剛性見惡如

嚴鳥雀之毆存忠厚心行仁則有合睢麟之  
意排難解紛共說董狐之直知人論世迥殊  
笑虎之流所以溫公有號遍野皆知王烈居  
鄉望廬胥化豈知燕譽來歸幾致雁行失散  
痛長兄之不祿淚洒榴開悲三弟之歸寘心  
傷菊謝始信古而無死之言妄矣逝者如斯  
之嘆宜哉德配汪老孺人產自名門夙嫻四  
德歸諸望族克盡三從誕兩男兮俊秀育一  
女兮貞純無如召赴蟠桃鏡初分破也教詩

歌瓊李弦再續彈復配程老孺人內則無忝  
中饋稱能相夫子以無違案齊眉舉事公姑  
而有禮棗共榆陳遞鞠三男不愧河東之鳳  
旣生一女堪乘袞叔之龍異母分形團圓七  
子各懷共乳緣結三生是乃克昌厥後宜乎  
受福無彊今日者公與孺人德與年俱年與  
德永壽並逾於七旬眼更觀夫四代漸登耄  
耄頤養精神從前之境遇何常順逆交加在  
蒼天不乏玉成之候以後之創垂無量昌熾

華門陞  
已卜惟紫誥益增家乘之光

同治癸酉年

嘉平月

穀旦

本科副榜愚表姪洪大鈞頓首拜撰



天椿公傳

公鄂渚世族也遞自唐宋以來傑士名賢代有可紀是見諸經史者半而湮沒不傳者非獨一半也恭維椿翁字名高號茂森表叔大人族修譜牒其素行可嘉梗幸得所掄揚矣

姑祖公諱聖貴生公昆玉三公居季其年與姪俱固得熟悉其生平方公年值成同姑祖母見背惟父是依原就家塾誦讀連年不意公薄志業儒於經營貿易之事輒爲得意姑

祖父亦喜形於色曰不得志於儒乃屬意于  
賈是賈獨不可以藏身乎厥後姑祖父得分  
泥湖軍民田地因諸叔尚幼故爾寫種深耕  
於斯時也顧謂諸叔曰泥湖祖業當亦保守  
今爾等均屬成人誰將往焉胡伯仲不允而  
公竟毅然擔當攜家室以偕行爰居爰處睦  
族和鄰家道漸創以豐隆田園益增其廣濶  
所餘蓄積概付於伯仲之兄恪守父訓蓋亦  
有年奈道光戊申己酉歲饑饉薦臻而公一

人獨經艱苦兼之染病傷寒呼號無極然賴  
皇天眷顧以獲清寧運際咸豐初年雖當康  
世見始受鄰里之凶橫倉虛陳粟復被兵災  
之擾攘心極劬勞是公之所遇屢逆而究不  
以逆遇生析爨之心者以為難對我伯仲也  
迨甲寅乙卯以來仍仗年豐大有業幾于非  
常公方得身安遂計耕讀訓孫教子推衣食  
濟弱扶貧嘗曰我族譜系蒼涼無人從事在  
公有志續修何難逮及誠宜遐齡永享成莫

大之規模夫何舍來鵬鳥竟于咸帝己未秋  
賈志以終論者竒公之素行未嘗不悲公之  
享年也今若子俊孫賢均堪點額耕讀克振  
家聲孝義依然世守以是知天之報施善人  
誠不爽矣姪不敏何能綜其全扼其要但述  
此素行種々亦足增光於家乘云耳

同治癸酉年

季冬月

上浣

之吉

愚表姪貢生魏瑞

梗

頓首拜撰



生江先生傳

且人不能媿先美者亦何必珍其人重其人而於譜牒重修爲之傳以傳其人哉如堂兄諱生江號泰山天柏公長子也弟生也晚兄自幼而成人大都超越不羣既未之親見矣然陳氏之先世傳孝義由今思之惟兄之立心行事若克媿焉則見其孝思也迨年近三十其家偶致凋零而大椿又析兄主制安詳一切殯葬於禮無加其事高堂孀母不惟承

歡菽水尤就養之無方所以敬尊宗祖廣具  
寘錢施食之儀祭祀神祇不特俎豆馨香之  
獻是能盡孝於父母者且致孝乎鬼神復見  
其行義也待昆與季弟燠麓協奏並推宋君  
分痛姜氏同眠教子及比兒賢哲相勸願效  
馬援驚類楊素龍文雖藉貿易以經營無非  
公道縱錢刀之計較總屬通融無索債而券  
必焚遇羣紛而籌則運旣隱居以行義者亦  
物外以市義兄之孝義若是至且足矣而又

於我族今春議修家乘計先踪訪兄遂欣然  
就道關河絲邈不辭跋涉艱難秦楚溯遊惟  
慮宗支寥落是無事而不見其孝義者亦無  
地而不見其孝義也在祖宗之靈默佑夫兄  
者宅爾宅堂構重新咬爾咬膏腴日廣雖貽  
謀之盡善實祖武之克繩自是寔昌寔熾瓜  
瓞延綿爾艾爾著遐齡永享矣茲于歲冬族  
譜將成其子道明請傳于余余義不容以不  
敏謝遂不禁於制行之卓越畧述大概云耳

同治癸酉年

堂弟生瑚秀字氏謹撰

嘉平月

穀旦



生溥先生淑配汪孺人傳

先生諱生溥字澤淵號寬亭天松公之長子也性孝友忠厚穎異嗜讀因家道多艱遂去儒就農躬耕黍稷以奉晨昏未幾陟岵興悲艱難愈甚而先生獨力維持一切殯葬皆於禮復念孀母年高其養志承歡者不以貧苦靳其力亦不以險阻易其心而淑配汪孺人賢於內助公家中要務襄贊皆屬賢勞蓋不獨洒掃酒漿常儀不忒已也先生昆玉三而

先生爲冠恐爲之偶者難乎其爲弟也然仲  
叔俱超越不羣有姜氏同眠風詩所謂式好  
無尤者不可爲先生詠乎迨其後族人心服  
咸以從事推先生而先生屢辭不已遂慙  
懇々恐上有愧於祖先下負慚於宗族至其  
制行之磊落非徒可以質人抑又可以自質  
者矣茲因其家續修譜牒畧綴數言以爲表  
揚之一助云

甲子科舉人沈敦倫拜撰

生義先生暨吳老孺人合傳

從來人之無足重輕者固無可傳抑且不必  
傳人之羣相倚毗者實有可傳則又不得不  
傳若鄉縉紳友人洵哉羣相倚毗者也友姓  
陳氏諱生義字質夫利川其策名也幼承祖  
父母命學習詩書就外傳日誦千言及長研  
究經史蒐羅典故潛心下帷弗惜也尤工書  
法其於點畫邪正無不斟酌咸宜宜其擢巍  
科登顯仕出人頭地也乃無何數竒應試輒



困自是去文就武而烏號繁弱蓋不啻穿揚  
之技焉然亦兩試不售乃納粟成名雖其時  
運使然要亦乃先祖顯一公之遺命而其父  
名揚公一一恪遵故如此耳身居市井而見  
識卓越尋常詰時值定盈虧料事多中至於  
處己則勤儉自持也待人則寬厚是尚也事  
雙親則柔聲怡色也和諸昆則克恭能友也  
續譜牒則心力並竭也尤可異者遇人忿爭  
構訟一二語輒能開導使人帖然心服誠如



古之排難解紛者不分軒輊矣即以予往來其家受其忠告善道者亦復不少至其訓諸令嗣義方是守尤其餘事也德配吳孺人夙嫻姆訓德音容工兼而有之而樸素如孟光筵賓似陶母所謂內助得賢非耶夫友人吾向以大丈夫目之矣然孺人亦女中丈夫也其賢惠聞於四鄉與吾友羣相倚毗交相濟美是不獨陳氏一家中之偉人也抑吾黨一鄉中之偉人也爰書數語以光宗乘云

同治十二年

季冬月

上浣

穀旦

上庠生年愚弟李光春頓首拜撰

生雄先生傳

君諱生雄字茂林號春山聖榮公之孫天錫  
公之次子也自垂髫時即恂恂謹飭不尚驕  
奢蓋天姿純樸忠實人也方君年十有五而  
君父謝塵君與兄同奉萱顏克諧以孝要不  
獨菽水承歡定省無虧而已即如家事世故  
人情一切未之經過者皆處之以條理焉殆  
所謂三年無改於父之道者君其有之至若  
持身之術涉世之方而君又有以知之者其

持己也恭謙退讓口無過言身無飾行其接  
物也為謀必忠柔亦不如剛亦不吐油然  
樂易與偕不予己之知不樂人之危即遇倡  
首從事毅然担当不憚煩勞是亦三代直道  
之行歟所以恢宏祖業廣置膏腴家計日以  
豐隆人丁益以蕃衍世咸謂氣度才華固足  
以獲此厚報云

同治癸酉年

大呂月

穀旦

愚契弟邑庠生余兆桂拜撰



生瑚先生傳

舅父諱生瑚字重先秀字其別號也外祖生  
翁兄弟六人翁次居四幼而岐嶷初知占對  
即露頭角外祖甚器之則當日之同時聚族  
者誠未有竒英磊落如翁者也翁父外祖晚  
未獲親其懿範亦甚沐其遺休則積德累行  
克勤厥家皆足以超拔流俗是外祖有善以  
創於前宜翁繼承於後而爲克家之令子歟  
憶余與翁同師受業之時每拈一題篇成倚

馬讀之光彩奕々動人而師轍為之首昔夫以翁之聰明俊秀宜其高第少年生香泮水耳奈遭時不偶屢試前茅竟不獲博一衿論者竒翁之才未嘗不恨翁之遇也然士生斯世軒冕何榮泥塗何辱果有學問而能文章豈必以晚成爲恨哉况乎憤苦之餘綜理家政有士行之勤公孫之儉陶朱公之生計豈意人丁蕃衍心性各殊翁欲繼九世之同居而諸翁竟使六人析爨是時也翁之年僅廿

四矣欲志勵詩書恐荒家計端持家計恐廢  
詩書如是館教近居盡屬義門之桃李則上  
足以盡孝於父母下足以教養夫子姪而且  
詩書不致廢家計亦兼持適當其族修宗譜  
翁且為之襄贊其事余不揣固陋援筆而傳  
以表翁生平之大概云耳

同治十二年 季冬月 上浣

愚甥李光燿頓首拜撰

生忠公傳

昔龍門作史為隱逸儒林立傳後世史氏遂  
援以為例蓋欲存斯文之道脉發潛德之幽  
光也歷漢魏六朝唐宋元明以來代不乏人  
有傳有不傳由於史官採訪有及有未及然  
忠孝廉潔均堪不朽顯于朝者登諸國史而  
晦于野者宜紀諸家乘如鄂渚陳氏望族也  
學士文人曷可勝數獨有諱生忠公論者恆  
稱之幼失怙惟母是依性慧好讀書六經三



史及百家書無不淹通畢貫應童試邑侯郡  
侯屢列前茅而卒不見售晚年來竟絕意功  
名藏身商賈仿陶朱公之所爲十餘年置膏  
腴之田家道漸至豐隆其尤著者事親孝不  
徒循溫清之儀親有疾日夜侍奉未嘗遠離  
至教諸子或耕或讀所習必有常業鄉黨間  
人有爭競出言以勸釋之人有事故捐資以  
維持之都人士恆藉々頌聲不衰胡天不弔  
孝養之大事未終遂抱恨以逝茲歲之冬適

其族續修家乘其子道坤請傳於余余曰盍請縉紳曰多麗語余曰盍請鴻儒曰非知己惟先生知吾父之深故言之必當知吾父之詳故言之不遺今不揣固陋因述其生平崖畧以付諸梓以俾後之史官採訪登諸國史以傳之不朽可也

同治十二年

季冬月

上浣

愚侍弟周明虞頓首拜撰

榮彩公傳

漢時縣官自賣鹽鐵酒酤宣帝罷之將以崇本而抑木也丈夫生當世惟桑弧蓬矢有志四方立勲名垂竹帛斯足稱耳乃用事貨殖貪三廉五儕伍於市肆駟僮之中尚何稱述之與有宦端木名賢也而鬻財曹魯休伯高士也而賣藥長安崔實販以爲業王烈服賈以自穢古君子抱環琦磊落之才汶汶無所試而因以自託于若隱若見之間是亦不

得志于時者之所為也吾茲于族 榮彩公  
有所感焉公諱聖貴別號徹衢至定公之次  
子也少倜儻有大志每以聖賢爲心奈讀書  
未成年二十即棄去曰是老我於牖下耳烏  
足學乃貿遷江南爲服賈計而公性情謹篤  
敦厚周慎口無擇言行無過失處闌闌之中  
平允無欺與同事者數十年未嘗見有厲色  
蓋雍和之氣出自天然也信乎作善降祥不  
數載公家豐厚名振一鄉是天之報公於生



前者正未有艾也淑配金孺人四德克備禮  
法宜家事公姑曲盡孝敬訓子孫嚴而有體  
凡遇紛亂皆有卓識公非常人而又得孺人  
爲之內助焉公豈不更足述哉且公生平所  
未忘者惟譜牒一事屢邀同志續修因眾心  
不符事竟未果易簣時猶喃喃在念故以此  
示諸後人也今公嗣有三長天璠次天琳三  
天璧皆勵以學惟天璧孝友詩書謹遵父志  
同族酌議謀修宗盟不畏風霜之苦稽查異

域之丁我等才疎學淺從無表慕惟仰公之  
風範猶存璧之居心積厚不可聽其磨滅而  
不彰也爰即所見聞者縷陳而爲之傳云

同治十二年

大呂月

穀旦

闔局仝譔

疏九公贊序

疏九公諱河號岷山者乃吾總角友也其為人持已恭事親孝撫諸弟以友愛待宗族以和睦盛怒不見於詞喜愠不形于色不做貧賤不諂富貴罔說人短弗恃已長善軒歧有叩門者雖盛暑嚴寒不假車乘必往視之一時獲活者奚以數計人咸曰若某翁者所謂盧醫也豈虛語哉正當展其驥豆孰意青鳥傳音得年三十九歲竟神遊閬苑所以公歿

之日族黨中無不爲之太息也尊甫拔士公  
云天奪吾良嗣殆信然焉是歲秋闈余抱疾  
歸請醫于陳際泰先生詢其世族知爲公出  
嗣子也先生云府中續修家乘委余爲公序  
余本熟悉公之生平因不辭朽拙畧綴數語  
庶斯人之不沒也

同治癸酉年

十二月

本科恩錫舉人八十二年老人姜金鰲頓撰



鍾涵公暨柯孺人合傳

竊以史者實也非實不紀傳者傳也非人亦不傳是史非明理足察者不能作傳亦然余族叔祖諱鍾涵字粹純公自幼雍容有度舉動不凡事父母以孝聞待兄弟以友著性梗直言不避親行不畏勢故人皆信服其於我祖軍務之事尤屬盡心所謂爲國忘家爲公忘私者公其然焉奈昊天不弔未假逾大衍之年竟召作玉樓之記遺淑配柯老孺人

崇四德知三從育子三次降服斯時家道維  
艱孺人外理稼穡內勤績紡用盡苦心卒復  
前業既持家有則又教子有方是男子是婦  
人是巾幗丈夫也有母道有父道亦有師道  
焉目今孺人逝矣家日其豐阜子孫其逢吉  
誰非公妣之德之所致歟余年穉學庸何能  
盡識公妣生平然父老言之甚悉故敢爲之  
傳俾後之覽者知公妣之德當傳諒不以余  
無作傳之能爲誚也

從姪孫德

鈞

敬撰

鍾燦公暨紀老孺人合傳

嘗考之物理論云醫者易也非仁受不可記  
非聰明達理不可任非廉潔純良不可信旨  
哉斯言移之爲人之道亦不外是矣 陳公  
煥然老大人諱鍾燦號翠軒自幼恂謹篤實  
有長者風其尊甫古巖公甚器之無何家道  
乖蹇未終負笈從師如是乃入而小畜出而  
既濟以義為利卒成大有道光壬辰歲 太  
翁捐館舍殯葬咸以禮節之無大過 令堂

賀太孺人於己酉得中風疾足不能履者四年湯藥之需公未嘗離而病不復願至壬子春奔月宮公寢食幾爲之廢焉公弟煥若公性渾厚公善遇之殆綽々怡々然後因人蕃事益金玉睽居田產一切俱命弟擇其美者公太祖當無屯赤軍公爲之積費以防漕運培本以永祭祀族人至今猶嘖々稱慕焉至其謙以持己无妄以待人善行種種未易更僕數德配紀老孺人順坤儀正位乎內中饋



實能以公之孝友忠直非孺人之淑慎清和其誰克偶也丈夫子二長克貞承醫傳深得扁虛之妙次倣蘇習舉業幾同李杜之才奈以躓塲屋遂亦棄志功名誠心軒岐聲名已播越恢振可豫期孫枝則翹々鵲起矣噫公妣雖遯天之報公妣以豐且泰者方興未艾也公長孫德鈞爲僕門下士歲壬申出公妣行述而請爲之傳故不禁言之鑿々云

候選訓導通家姪鄧綬縈素安頓撰

堂叔祖顯武大人暨德配賀老孺人傳

祖諱鍾烈字顯武號名菴會叔祖一枝公之

主器也鈞生也晚雖未親炙太公清輝然竊

聞其遺範太公生祖兄弟四祖居長性孝友

聰穎嗜讀人咸謂太公有子焉既而親老家

貧兼之二弟四弟俱質遷異域一切家政皆

惟祖是賴祖遂棄舉子業沐雨櫛風躬耕畝

畝然出雖負耒入必橫經故至今猶有儒者

風生平誠謹樸實然諾不苟即非常之事卒

然臨之而不驚橫逆之來無故加之而不怒  
所謂臨事而懼好謀而成者非耶至於持家  
有要道處世無虧行其爲父子兄弟足法者  
誠不易爲一二流俗道也德配祖母賀老孺  
人嫻母訓習內則針黹盡其勞饘粥嘗其苦  
比之古之修母侃母不足過也只期椿萱並  
茂慶及齊眉孰意瑤臺月冷悲興陟屺生埽  
叔一身性最孝剛直不尚奢華爲人謀無宿  
諾是固祖父母之教育有方要亦上天之報

施不爽也今歲我族續修宗盟藉祖與埽叔  
之力居多將見祖宗呵護之靈惟祖之後寔  
昌且熾焉譜成局長囑鈞為之傳鈞固不敏  
然義不獲辭謹按祖父母行狀實錄以垂不  
朽

同治癸酉年

十二月

愚姪孫德

鈞

衡堂氏敬撰



道欽先生傳

且夫天地萍也萬物露也人生其間客也夢也古未有不朽者惟立德立功立言其生足以榮當時斯其沒足以傳後世間嘗懸此格以求諸搢紳先生藝林儒雅中恆不數數覲今始於太學生陳先生遇之翁諱道欽字相一輔臣其別號孝友性成言行謹慤雖魚豢小隱其持躬接物間有霽月光風氣象闐闐中咸敬而慕之年來家中貲猶復督子姪輩

懋遷化居慎然諾戒奢華有餘金輒分潤貧而老者倘所謂太上立德其次立功其次立言是耶非耶茲際其家乘續修令冢君德溶德源扶先生櫬歸葬於先人宅兆並以其門口隴水田塘下貳斗刊作祭祀囑余一言以誌不朽因走筆以紀其崖畧如此云

世愚姪邑庠生張茂良

秀甫氏頓首拜撰

宗兄做蘇先生傳

做翁家二先生諱道坡號東齋宗叔煥然公  
之次子也其祖父世傳仁術寄寓城鄉先生  
嘗就傳於此余因得與友焉先生幼負天資  
沉潛學問博覽羣書落筆超羣爲師友者共  
相期爲青雲之客奈屢試不售卒使懷才未  
遂而先生不以爲憾每謂余曰士君子讀書  
稽古不憂無名第患無學耳由是知先生之  
真知卓識與宋之張浚魯之孟莊無多讓焉

至其孝父母本孺慕之誠事兄長盡必恭之  
職檢身如不及言必謹而行必慎語人如恐  
傷惡則隱而善則揚他如爲人排難解紛居  
心疎財重義一切見重於鄉黨宗族者又何  
庸予嘖々贅述哉茲先生雖年將大衍古稱  
大德之人必得其壽則耄也可預爲先  
生祝也若夫振緒恢先貽謀燕翼又豈有量  
乎是歲貴宗家乘續修先生出嗣子德鈞請  
傳於予蓋以予與先生交之久知之悉因不



揣固陋爲之節目其大概云

時

大清同治癸酉年

大呂月上浣

邑增生宗愚弟長城介人氏頡譎

鵬魁先生傳

姍晚邑庠生張茂良頤撰

公諱道首字鵬魁太姍翁萬翁之冢子也居  
心肫誠持躬勤慎雖未深諳學術而魚益暫  
隱綽有端木氏遺風先是其尊甫世業岐黃  
活人不少毋索謝而多金之貺家積中貲兵  
燹後家中落先生體人志事牽車服賈用洗  
腆作孝養父母計有餘貲輒分潤其仲弟處  
用能恪供鷄黍叙天倫樂事以博膝下歡書  
曰惟孝友于兄弟施于有政其先生之謂乎

配柯孺人無出早世先生義不再娶慨然以  
養父母和兄弟為己任惟恐號寒吮饑來族  
間恥笑邇年田園式廓骨月間樂也融々僉  
曰微夫人之力不及此迨其三弟稔以子德  
初為先生嗣飲食教誨惟先生是賴蓋又以  
父道而兼母道師道焉茲際其家乘續修先  
生以負郭田一畝刊作祭祀囑余為傳以誌  
不朽余忝嫻好素識先生行狀因援筆紀厓  
畧竊自詡不没人善之意云

陳君雲衢先生六十壽序

陳君雲衢先生余故人也儒而醫者也先生  
家赤貧尊甫國翁老伯大人力於農事勤  
儉自持有古遺民風先生幼讀極苦辛寒暑  
不輟治舉子業兼涉岐黃若蘇季子刺股柳  
仲郢嘗胆不是過也因慨然曰士君子不能  
奮志青雲爲上醫國亦當爲次醫人於  
是殫力疲神探索秘旨得三折肱九折臂之  
術往來病家罔不隨手奏效無論貧富雖酷



配柯孺人無出早世先生義不再娶慨然以  
養父母和兄弟為己任惟恐號寒吮饑來族  
間恥笑邇年田園式廓骨月間樂也融々僉  
曰微夫人之力不及此迨其三弟稔以子德  
初為先生嗣飲食教誨惟先生是賴蓋又以  
父道而兼母道師道焉茲際其家乘續修先  
生以負郭田一畝刊作祭祀囑余為傳以誌  
不朽余忝媿好素識先生行狀因援筆記厓  
畧竊自詡不没人善之意云

先生家乘將竣不揣固陋爲之序以表其大  
畧至先生之有功於時可傳於後者自有公  
論在非予一人之私見所能罄也

愚弟舉人周祖庚頓首拜譔